

*In capitulo libri scriptum est de me,  
ut faciam, Deus, voluntatem tuam.*

Lectio Epistolæ ad Hebræos

10, 4-10

**F**ratres:

- <sup>4</sup> **I**mpossibile est  
sanguinem taurorum et hircorum auferre peccata.
- <sup>5</sup> Ideo ingrediens mundum Christus dicit:  
«Hóstiam et oblatiónem noluísti,  
corpus autem aptásti mihi;
- <sup>6</sup> holocaustómata et sacrificia pro peccáto  
non tibi placuérunt.
- <sup>7</sup> Tunc dixi:  
Ecce vénio,  
in capítulo libri scriptum est de me,  
ut fáciam, Deus, voluntátem tuam».
- <sup>8</sup> Supérius dicens,  
«Hóstias et oblatiónes et holocaustómata  
et sacrificia pro peccáto noluísti,  
nec placuérunt tibi»,  
quæ secúndum legem offerúntur,
- <sup>9</sup> tunc dixit:  
«Ecce vénio, ut fáciam voluntátem tuam».
- Aufert primum, ut secúndum státuat;
- <sup>10</sup> in qua voluntáte sanctificáti sumus  
per oblatiónem córporis Christi Iesu in semel.

Verbum Dómini.